



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-021-5/24**
Datum: **30.01.2024.**

«Agencija za vodno područje rijeke Save» rješavajući po zahtjevu JKP „TREBIŠNJICA” d.o.o. Nova Bila-Travnik za izdavanje vodne dozvole za ispuštanje otpadnih voda u rijeku Lašvu iz glavnog kanalizacionog kolektora Putićevo –Nova Bila na koji su spojene kanalizacione mreže iz naselja Ričice, Podolac, industrijska zona Sebešić, ul. Ante Vlajića, MZ Nova Bila i MZ Dolac na Lašvi (Donje i Gornje Putićevo i Novo Naselje) i Gladnik, na osnovu člana 109. stav 1. točka 2., i člana 200. stav 1. Zakona o upravnom postupku («Službene novine Federacije BiH», broj 2/98 i 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola JKP „TREBIŠNJICA” d.o.o. Nova Bila-Travnik za privremeno ispuštanje otpadnih voda u rijeku Lašvu iz glavnog kanalizacionog kolektora Putićevo-Nova Bila na koji su spojene kanalizacione mreže iz naselja Ričice, Podolac, industrijska zona Sebešić, ul. Ante Vlajića, MZ Nova Bila i MZ Dolac na Lašvi (Donje i Gornje Putićevo i Novo Naselje) i Gladnik, a čija je trasa prilagođena uvjetima gradnje brze ceste Vitez- Nević polje.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se objekti koji čine kanalizacijski sustav čiji je obuhvat opisan u točki 1. ovog Rješenja a kojima upravlja JKP „TREBIŠNJICA” d.o.o. Nova Bila-Travnik održavaju u ispravnom i funkcionalnom stanju u skladu sa njihovom namjenom i ovim Rješenjem.
 - 2.2. Da se permanentno radi na razdvajanju postojećeg mješovitog sistema odvodnje otpadnih voda u skladu sa urađenom projektnom dokumentacijom, te da se prilikom izgradnje nove kanalizacione mreže projektuje isključivo separatan sistem odvodnje.
 - 2.3. Da se redovno vrši snimanje i kontrola stanja postojeće kanalizacione mreže u cilju formiranja katastra kanalizacione mreže sa podacima o profilu, padovima, cijevnom materijalu, godini izgradnje i sl.
 - 2.4. Ukoliko postoje ili se snimanjem na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrirati i što hitnije poduzeti aktivnost da se isti priključe na postojeće kolektore.
 - 2.5. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to moguće, vrši priključenje objekata kanalizacionu mrežu.
 - 2.6. Da se redovno vrši održavanje rijeke Lašve na svim ispusnim mjestima iz glavnih gradskih kolektora.
 - 2.7. Da se, prilikom izdavanja odobrenja za priključak na gradsku kanalizacionu mrežu od korisnika zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).

- 2.8. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), članovima od 5. i 12. Uredbe o uslovima ispuštanja otpadnih voda u okoliš i sisteme javne kanalizacije.
- 2.9. Da se u periodu važenja ove dozvole izradi Operativni plan interventnih mjera u slučaju incidentnih zagađenja a sve u skladu sa članom 11. stav (3) i članom 12. Pravilnika o postupcima i mjerama u slučajevima akcidenata na vodama i obalnom vodnom zemljištu («Službene novine Federacije BiH» broj 71/09 i 102/18).
- 2.10. Da se tokom važenja ovog Rješenja vrši monitoring otpadnih voda na ispustu glavnog kolektora ili u zadnjem revizionom oknu neposredno prije ispusta definisanog u tački 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
- 2.11. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 15/17 i 41/20).
- 2.12. Da za vrijeme važenja ovog rješenja nadležini Općinski organ na inicijativu operatera kanalizacionog sistema donese odluku o odvodnji otpadnih voda u svemu prema odredbama člana 54. Zakona o vodama
- 2.13. Za vrijeme trajanja ovog Rješenja za izgrađenu mrežu ishoditi upotrebnu dozvolu od nadležne institucije.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa članom 170. Zakonom o vodama („Službene novine Federacije BiH“, broj 70/06) i članovima 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), uz redovno dostavljanje obrasca IV – Mjesečni izvještaj o količini isporučene vode i obračunu EBS te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ukoliko radom predmetnog kanalizacionog sustava dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
6. Ispuštanje otpadnih voda u rijeku Lašvu ne smije ugrožavati postojeći kemijski i ekološki status recipijenta.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.

9. Ova vodna dozvola, shodno članu 117. stav 1. Zakona o vodama («Službene novine Federacije BiH», broj 70/06) se daje sa rokom važenja od **pet godina** od dana pravosnažnosti ovog rješenja.
10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
11. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.

Obrazloženje

JKP „TREBIŠNJICA“ d.o.o. Nova Bila-Travnik, obratilo se ovoj Agenciji sa zahtjevom za izdavanje vodne dozvole za privremeno ispuštanje otpadnih voda u rijeku Lašvu iz glavnog kanalizacionog kolektora Putićevo –Nova Bila na koji su spojene kanalizacione mreže iz naselja Ričice, Podolac, industrijska zona Sebešić, ul. Ante Vlajića, MZ Nova Bila i MZ Dolac na Lašvi (Donje i Gornje Putićevo i Novo Naselje) a čija je trasa prilagođena uvjetima gradnje brze ceste Vitez- Nević polje.

- a) Kopija Aktuelnog izvoda iz sudskog registra broj: 051-0-Reg-22-000115 od 25.02.2022. godine, izdatog od strane Općinskog suda u Travniku.
- b) Kopija Uvjerenja o poreznoj registraciji i identifikacionom broju od 14.03.2022. godine, izdanog od strane Porezne uprave – Kantonalni ured Novi Travnik.
- c) Rješenje o urbanističkoj suglasnosti br. 04/04-23-3-703/23 od 21.09.2023.god., izdano od Službe za urbanizam i imovinsko pravne poslove, općine Travnik.
- d) Odluku o predaji, korištenje i održavanje izgrađene kanalizacione mreže JKP „TREBIŠNJICA“ d.o.o. Nova Bila- Travnik.
- e) Kopija uplatnice administrativne takse.
- f) Rješenje o vodnoj dozvoli br UP-1/25-3-40-373-5/20 od 09.10.2020., izdana od AVP Sava.
- g) Glavni projekt fekalne kanalizacije Putićevo- Nova Bila izrađen od „ENERGOINŽENJERING“ d.o.o. Sarajevo, oznake 96029/07 iz 7/2019.god..
- h) Dopuna Glavni projekt Fekalne kanalizacije Putićevo –Nova Bila na dijelu brze ceste Lašva- Nević Polje, izrađen od „PERSPEKTIVA Inženjering „ d.o.o. Visoko. oznake 66.LS.PER.VII/23 iz 7/2023.god..

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne dionice i tom prilikom je sačinjen zapisnik o uviđaju broj: UP-1/21-3-40-021-4/23 od 29.01.2024..

Na terenskom uviđaju konstatirano je sljedeće:

Kanalizacijskom mrežom Putićevo Nova Bila obuhvaćenu su sljedeća naseljena mjesta, Ričice, Podolac, industrijska zona Sebešić, ul. Ante Vlajića, MZ Nova Bila i MZ Dolac na Lašvi (Donje i Gornje Putićevo i Novo Naselje) i naselje Gladnik.

Zbog izgradnje brze ceste Vitez- Nević polje stvorila se potreba da se izvrši izmještanje dijela izgrađene kanalizacije. Za tu potrebu urađen je dopunski projekt Fekalne kanalizacije Putićevo – Nova Bila na dijelu brze ceste Lašva-Nević Polje, izrađen od „PERSPEKTIVA Inženjering„ d.o.o. Visoko, oznake 66.LS.PER.VII/23 iz 7/2023.god. i prema istom se izvršila prilagodba i to na stacionaži 7+275 do 7+875 u ukupnoj dužini od 623,39 m. Izmještanje je urađeno na način da se taj dio vodio zelenom površinom paralelno sa betonskim jarkom koji je element odvodnje brze ceste.

Drugo preklapanje odnosno izmještanje je urađeno na stacionaži 8+075 do 8+680 u dužini od 651,62 m, na isti način kao i prethodno.

Glavni kolektor je urađen od PP korugiranih cijevi promjera 315 mm, klase čvrstoće SN 8.

Zbog radova na brzom cestu urađena su dva privremena ispusta u rijeku Lašvu koja će se nakon završetka brze ceste deaktivirati i spojiti na glavni ispust. Ispust otpadnih voda je u rijeku Lašvu.

Na poziciji glavnog ispusta Planskom dokumentacijom Općine Travnik predviđen je prečištač otpadnih voda.

Katastar kanalizacionog sustava nije urađen ali se provode aktivnosti na izradi istog.

Postojeći kanalizacioni sustav koji je mješovitog tipa sustavno se razdvaja na oborinsku i fekalnu kanalizaciju.

Kako se radi o novoizgrađenoj kanalizacionoj mreži još uvijek nije uspostavljen monitoring otpadnih voda.

Poduzeće radi na izradi evidencije o individualnim septičkim jamama.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uvjeti u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatira se da je podnosilac zahtjeva JKP „TREBIŠNJICA“ d.o.o. Nova Bila-Travnik, ispunio minimum uvjeta za izdavanje vodne dozvole za ispuštanje otpadnih voda u rijeku Lašvu iz glavnog kanalizacionog kolektora Putićevo Nova Bila te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3, Tarife federalnih administrativnih taksi.

Obradio:

Marko Barić, dipl.ing.grad.

Dostaviti:

- JKP „TREBIŠNJICA“ d.o.o. Nova Bila-Travnik,
- AVP, ISV –Vodna knjiga
- Sektor 50
- Sektor 40, arhiva
- Oglasna ploča AVP Sava

Po ovlaštenju
Rukovodilac Sektora za izdavanje vodnih akata



Marko Barić
Marko Barić, dipl.ing.grad.